

ստանձնած պայմանագրային պարտավորությունների խախտում տեղի չի ունեցել, որը կհանգեցնեք պամանագրի միակողմանի լուծմանը, ինչպես նաև ՀՀ քաղաքաշինության կոմիտեի գլխավոր քարտուղարի կողմից գնումների գործընթացին մասնակցելու իրավունք չունեցող մասնակիցների ցուցակում ընդգրկելու 19.08.2024 թվականի որոշումը ոչ պատճառաբանված և անհիմն է:

Հաշվի առնելով վերոգրյալը, Դատարանը ներկայացված պահանջը համարում է հիմնավոր, ուստի ՝ Գագկոմշին ՍՊ ընկերության հայցն ընդդեմ ՀՀ քաղաքաշինության կոմիտեի ՝ ՀՀ քաղաքաշինության կոմիտեի գլխավոր քարտուղարի պարտականությունները կատարող Կարեն Անտոնյանի 09.08.2024 թվականի թիվ 02/16.4/12160--2024 ծանուցմամբ կայացված ՝ պայմանագիրը միակողմանի լուծելու մասին և վերջինիս կողմից 19.08.2024 թվականի ՝ Գագկոմշին ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ընդգրկելու մասին որոշումներն անվավեր ճանաչելու պահանջների մասին, ենթակա է բավարարման:

6. Դատական ծախսերը.

Անդրադառնալով դատական ծախսերի բաշխման հարցին ՝ դատարանն արձանագրում է հետևյալը.

ՀՀ քաղաքացիական դատավարության օրենսգրքի 101-րդ հոդվածի համաձայն ՝ դատական ծախսերը կազմված են պետական տուրքից և գործի քննության հետ կապված այլ ծախսերից:

ՀՀ քաղաքացիական դատավարության օրենսգրքի 109-րդ հոդվածի 1-ին մասի համաձայն ՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն:

Վերոնշյալ հոդվածից հետևում է, որ օրենսդիրը դատական ծախսերի բաշխման հիմքում դրել է համամասնության սկզբունքը, որը պետք է համապատասխանի բավարարված հայցապահանջին:

Դատարանը, նկատի ունենալով, որ հայցվորը հայցադիմումը դատարան ներկայացնելիս վճարել է օրենքով նախատեսված պետական տուրքի գումարը, իսկ հայցը ենթակա է բավարարման, գալիս է այն եզրահանգման, որ պատասխանողից հօգուտ հայցվորի պետք է բռնագանձել նախապես վճարված ՝ 80.000 ՀՀ դրամ պետական տուրքի գումարը:

Հիմք ընդունելով վերոգրյալը և ղեկավարվելով ՀՀ քաղաքացիական դատավարության օրենսգրքի 189-րդ, 191-րդ, 192-րդ, 234.5-րդ, 234.12-րդ հոդվածներով ՝ Դատարանը

Վ Ճ Ո Ւ Յ

1. Գագկոմշին ՍՊ ընկերության հայցն ընդդեմ ՀՀ քաղաքաշինության կոմիտեի ՝ ՀՀ քաղաքաշինության կոմիտեի գլխավոր քարտուղարի պարտականությունները կատարող Կարեն Անտոնյանի 09.08.2024 թվականի թիվ 02/16.4/12160--2024 ծանուցմամբ կայացված ՝ պայմանագիրը միակողմանի լուծելու մասին և վերջինիս կողմից 19.08.2024 թվականի ՝ Գագկոմշին ՍՊ ընկերությանը գնումների գործընթացին մասնակցելու իրավունք չունեցող

մասնակիցների ցուցակում ընդգրկելու մասին որոշումներն անվավեր ճանաչելու պահանջների մասին, բավարարել.

1.1 ՀՀ քաղաքաշինության կոմիտեի գլխավոր քարտուղարի պարտականությունները կատարող Կարեն Անտոնյանի կողմից 09.08.2024 թվականի թիվ 02/16.4/12160--2024 ծանուցմամբ կայացված պայմանագիրը միակողմանի լուծելու մասին որոշումը և «Գազկոմշին» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին 19.08.2024 թվականին կայացված որոշումներն ճանաչել անվավեր:

2. ՀՀ քաղաքաշինության կոմիտեից հոգուտ «Գազկոմշին» ՍՊ ընկերության բռնագանձել՝ 80.000 ՀՀ դրամ՝ որպես հայցվորի կողմից նախապես վճարված պետական տուրքի գումար:

3. Դատական ծախսերի հարցը համարել լուծված:

4. Վճիռը կամովին չկատարելու դեպքում, այն կկատարվի դատական ակտերի հարկադիր կատարման ծառայության միջոցով՝ պարտապանի հաշվին:

5. Վճիռն օրինական ուժի մեջ է մտնում հրապարակման պահից և կարող է բողոքարկվել Վերաքննիչ քաղաքացիական դատարան՝ հրապարակվելու օրվանից մեկամսյա ժամկետում:

Դատավոր՝ **Աննա Ծիլաջյան**

